

sciatur, mox subdit:⁸² *Sed clarum quod hoc modo quidem scit, quia universale scit, simpliciter autem nescit.* Antequam ergo simpliciter, id est particulariter sciamus, scimus universaliter, per quod universale etiam particulare scimus, ita enim 2. Analytico capite
5 21. docet:⁸³ *Universali ergo contemplamur ea qua in parte.* Si ergo universalis scientia in nobis est antequam inductio aut syllogismus fiat, atque si per universalem scientiam particularem acquirimus, cum nulla alia in nobis sit, universalem scientiam ab intellectu habemus, qui eam habens in nos descendit perque eam
10 cum particularium scientiam acquiramus, cui iam dubium eam scientiam reminiscendam esse? Non enim est aliud reminiscencia, quam cognitionis prioris resumptio, resumimus ergo quam prius habueramus particularium atque simpliciter scientiam, per universalem scientiam, quae in intellectu salva remanserat. Ita
15 dogma maxime ab Aristotele impugnatum per dogmata eius redit in lucem atque integrum manet.

⁸² ἀλλὰ δῆλον ὡς ὧδι μὲν ἐπίσταται, ὅτι καθόλου ἐπίσταται, ἀπλῶς δ' οὐκ ἐπίσταται. [ARIST. A Po. 71a.27 – 29]

⁸³ Τῇ μὲν οὖν καθόλου θεωροῦμεν τὰ ἐν μέρει. [ARST. A Pr. 67a.27]